



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 8 23 0000545158



16/05/2023

სსიპ - იაკობ გოგებაშვილის სახელობის თელავის სახელმწიფო უნივერსიტეტის "ისტორიის" სა
ბაკალავრო საგანმანათლებლო პროგრამის აკრედიტაციის მინიჭების შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მამიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან“ ან, არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

1.5 აკრედიტაციის დებულების 27⁵მე-7¹პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2.აღწერილობითი ნაწილი და დასაბუთება

2.1.სსიპ - განათლების ხარისხის განვითარების ეროვნულ ცენტრში (შემდგომში - ცენტრი) სსიპ - იაკობ გოგებაშვილის სახელობის თელავის სახელმწიფო უნივერსიტეტის 2022 წლის 8 დეკემბრის №1572214 (ცენტრში რეგისტრაციის №1595852, 13/12/2022) წერილით წარმოადგინა განაცხადი "ისტორიის" საბაკალავრო და "საქართველოს ახალი და უახლესი ისტორიის" სამაგისტრო საგანმანათლებლო პროგრამების კლასტერის აკრედიტაციის თაობაზე.

2.2. ცენტრის 2022 წლის 19 დეკემბრის №1625988 ბრძანების საფუძველზე, სსიპ - იაკობ გოგებაშვილის სახელობის თელავის სახელმწიფო უნივერსიტეტი ცნობილ იქნა აკრედიტაციის მაძიებლად. ცენტრის 2022 წლის 30 დეკემბრის №1684473 ბრძანებით შეიქმნა ექსპერტთა ჯგუფი, რომელმაც 2023 წლის 12 და 13 იანვარს განახორციელა სააკრედიტაციო ვიზიტი უნივერსიტეტში. აკრედიტაციის ექსპერტთა დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		✓		
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	✓			
3. სტუდენტთა მიღწევები, მათთან ინდივიდუალური მუშაობა	✓			

4. სწავლების რესურსებით უზრუნველყოფა	✓			
5. სწავლების ხარისხის განვითარების შესაძლებლობები		✓		

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 28 აპრილს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ სრულად გაიზიარა ექსპერტთა შეფასება.

3.სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 პუნქტის, მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 პუნქტის, მე-8 პუნქტის, აკრედიტაციის დებულების 27²მუხლის პირველი პუნქტის, 27⁵მუხლის პირველი პუნქტის „ა“ ქვეპუნქტის და მე-5 პუნქტის, 27⁶მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის N223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ 17 ხმით არცერთის წინააღმდეგ

გადაწყვიტა:

- დაკმაყოფილდეს სსიპ - იაკობ გოგებაშვილის სახელობის თელავის სახელმწიფო უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ "ისტორიის" საბაკალავრო საგანმანათლებლო პროგრამას მიენიჭოს აკრედიტაცია 7 წლის ვადით 1 წლის თავზე ანგარიშის წარმოდგენის ვალდებულებით.
- ცნობილ იქნას აკრედიტაციის ექსპერტთა ჯგუფის დასკვნა „ისტორიის“ საბაკალავრო და „საქართველოს ახალი და უახლესი ისტორიის“ სამაგისტრო საგანმანათლებლო პროგრამების შესახებ ამ გადაწყვეტილების განუყოფელ ნაწილად (დანართი №2).
- ცნობილ იქნას საბჭოს 2023 წლის 16 მაისის №544968 სხდომის ოქმის №07 ნაწილი ამ გადაწყვეტილების განუყოფელ ნაწილად (დანართი №3).
- საბჭომ ექსპერტთა დასკვნაში ასახული რეკომენდაციები განსაზღვრა შემდეგნაირად:

რეკომენდაციები:

1. რეკომენდებულია აკადემიური და ადმინისტრაციული გუნდის ჩართულობით დაზუსტდეს სწავლის შედეგების შეფასების მექანიზმი. კერძოდ კი, პროგრამის სასწავლო გეგმის ლოგიკური ჯაჭვის გათვალისწინებით გადაიხედოს სწავლის შედეგებზე გამსვლელი სასწავლო კურსები დონეების მითითებით და განისაზღვროს სწავლის შედეგების მიღწევის ადეკვატური სამიზნე ნიშნულები.
2. გაძლიერდეს უცხო ენის სწავლება, რაც არადაამაკმაყოფილებლად არის შეფასებული თავად სტუდენტების და პოტენციური დამსაქმებლების მიერ.
3. რეკომენდებულია განისაზღვროს სტუდენტთა რაოდენობები პრაქტიკის მემორანდუმებში.
4. დაწესებულებამ მეტი ძალისხმევა გასწიოს სტუდენტების საერთაშორისო გაცვლით პროგრამებში ჩართულობაზე, რისთვისაც სასურველია გაუმჯობესდეს დაწესებულებაში უცხო ენის სწავლების დონე.
5. რეკომენდებულია, ამაღლდეს აკადემიური და მოწვეული პერსონალის ინფორმირებულობის დონე პროგრამის ხარისხის შეფასების პროცესის დაგეგმვის და შეფასების ინსტრუმენტების შემუშავების საკითხებთან დაკავშირებით და გაიზარდოს მათი ჩართულობა აღნიშნულ პროცესებში.
6. რეკომენდებულია, ერთი მხრივ, გაიზარდოს პროგრამების ხელმძღვანელების, აკადემიური და მოწვეული პერსონალის ჩართულობის დონე შეფასებისა და მონიტორინგის განხორციელების, ისევე როგორც მიღებული შედეგების გაანალიზების პროცესში, ხოლო მეორე მხრივ, პროგრამების შეფასებისა და მონიტორინგის შედეგები გაზიარებული იქნას პროგრამის განმახორციელებელ მთლიან გუნდთან.
7. რეკომენდებულია, გადაიხედოს სტუდენტთა, პროფესორ-მასწავლებელთა, კურსდამთავრებულთა და დამსაქმებელთა გამოკითხვის ფორმები და მოხდეს მათი შინაარსობრივი განახლება-მოდულიზაცია.
8. რეკომენდებულია ისტორიის საბაკალავრო საგანმანათლებლო პროგრამას დაემატოს სავალდებულო სასწავლო კურსი "ისტორიის მეცნიერების შესავალი"
9. რეკომენდებულია ისტორიის საბაკალავრო პროგრამა დაემატოს რეგიონის ისტორიის შემსწავლელი სასწავლო კურსები.
10. რეკომენდებულია ისტორიის საბაკალავრო პროგრამას დაემატოს სამუზეუმო-საარქივო საქმის სავალდებულო სასწავლო კურსი.
11. რეკომენდებულია უცხო ენების სასწავლო კურსები გადატანილ იქნას არჩევით სასწავლო კურსებში და ძირითადი სწავლის სფეროს სავალდებულო კომპონენტი გაძლიერდეს დარგობრივი სასწავლო კურსებით.
12. სასწავლო კურსებში: „ქართული ეთნოლოგია“ და „კახეთის ხუროთმოძღვრული ძეგლები“, „ქართული დიპლომატიის ისტორია უძველესი დროიდან მე-19 საუკუნემდე“ სასწავლო კურსის სტრუქტურა და შინაარსი შესაბამისობაშია მოსაყვანი კურსების მისაღწევ შედეგებთან.
13. კახეთის ისტორიული ძეგლების სასწავლო კურსის ძირითად ლიტერატურაში ჩაემატოს შემდეგი წიგნები: ვ. ბერიძის ქართული ხუროთმოძღვრების ისტორია, ორ ტომად; პ. ზაქარაიას ქართული ციხე-სიმაგრეების ისტორია უძველესიდან - მე-18 საუკუნის ბოლომდე; ლ. ჭილაშვილის კახეთის კახეთის ქალაქები; ლ. ჭილაშვილის ქალაქები ფეოდალურ საქართველოში; გ. ჩუბინაშვილის კახეთის არქიტექტურა.

რჩევები:

1. სწავლების პროცესში ელექტრონული და ციფრული მეთოდების გამოყენების გაზრდა.
2. სასურველია, პროგრამის განმახორციელებელმა გუნდმა დეტალურად შეისწავლოს შეფასების მეთოდები, ასევე განხორციელდეს სიღრმისეული მიზნობრივი კვლევები,


რათა დადგინდეს სტუდენტთა აკადემიურ მოსწრებებში დაფიქსირებული მაღალი მაჩვენებლების გამომწვევი მიზეზები.

3. კარგი იქნება თუ საბიბლიოთეკო სივრცე ადაპტირდება შშმ პირებისათვის, რადგან აღნიშნული თითოეულ სტუდენტს, მათი ფიზიკური შესაძლებლობისა, მისცემს სრულფასოვანი სწავლის შესაძლებლობას.
4. სასურველია, თვითშეფასების ანგარიში წარმოადგენდეს ანალიზურ დოკუმენტს, სადაც დასაბუთებული იქნება პროგრამების კლასტერში გაერთიანების საჭიროება, მათ შორის არსებული ლოგიკური ბმა და ამასთან, კრიტიკულად იქნება შეფასებული პროგრამის ძლიერი და სუსტი მხარეები, დადგენილი იქნება კვლევის შედეგებით იდენტიფიცირებული გასაუმჯობესებელი მხარეები.
5. სასურველია, დარგობრივი დამსაქმებლები აქტიურ მონაწილეობას იღებდნენ პროგრამების შემუშავების, შეფასებისა და განვითარების პროცესებში.
6. სასურველია ისტორიის საბაკალავრო პროგრამის სასწავლო გემაში, თავისუფალი არჩევითი კომპონენტები მიეთითოს კონკრეტულად აღნიშნული პროგრამის სტუდენტებისათვის.
7. სასურველია გადაიხედოს საბაკალავრო პროგრამის ბიუჯეტში პრაქტიკისა და სტიპენდია/ჯილდო/წახალისების აქტივობებისთვის გამოყოფილი თანხები და მოხდეს მათი გაზრდა.

4. საბჭოს აღნიშნული გადაწყვეტილება ძალაში შევიდეს 2023 წლის 28 აპრილს.

5. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

უმადლესი საგანმანათლებლო პროგრამების
აკრედიტაციის საბჭო
საბჭოს მდივანი
რატინი რატი



საგანმანათლებლო პროგრამების აკრედიტაციის
საბჭო
საბჭოს თავმჯდომარე
ბუჩაშვილი გოდერძი



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	ისტორია / History
2	ერთობლივი უმაღლესი საგანმანათლებლო პროგრამა	
3	სტატუსი	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	N9-04.11.2011
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	ისტორია (Bachelor Programme in History)
6	უმაღლესი განათლების საფეხური	ბაკალავრიატი
7	დაშვების წინაპირობები	
8	კვალიფიკაციის დონე	მეექვსე
9	კვალიფიკაციის დასახელება	ისტორიის ბაკალავრი / Bachelor in History
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	
11	დეტალური სფეროს დასახელება და კოდი (ISCED – F – 2013)	0222 ისტორია და არქეოლოგია / History and Archaeology
12	სწავლების ენა	ქართული
13	ECTS კრედიტების ჯამური რაოდენობა	240
14	განხორციელების ადგილი	სსიპ იაკობ გოგებაშვილის სახელობის თელავის სახელმწიფო უნივერსიტეტის ჰუმანიტარულ მეცნიერებათა ფაკულტეტი (ქართული უნივერსიტეტის ქ. N1. 2200) საქართველო
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	
16	ამ გადაწყვეტილების ძალაში შესვლის თარიღი	2023 წლის 28 აპრილი
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა ¹	1 წელში ანგარიში (29.04.2024)
18	აკრედიტაციის ვადის გასვლის თარიღი	2030 წლის 29 აპრილი

¹დეტალური სწავლის სფეროს შესაბამისი

²ავტორიზებული ან/და ხელახალი აკრედიტაცია;

³ საგანმანათლებლო პროგრამის დასახელების ცვლილების შემთხვევაში

⁴ ბაკალავრიატი; მაგისტრატურა; საბაკალავრო-სამაგისტრო; დოქტორანტურა

⁵ ეროვნული კვალიფიკაციების ჩარჩოს მიხედვით

⁶ მასწავლებლის მომზადების ინტეგრირებული საბაკალავრო-სამაგისტრო საგანმანათლებლო პროგრამის ან მასწავლებლის მომზადების საგანმანათლებლო პროგრამის შემთხვევაში

⁷ ქვეყანა, ქალაქი/მუნიციპალიტეტი, საფოსტო ინდექსი, ქუჩა, ქუჩის ნომერი

⁸ საბჭოს მიერ რეკომენდაციების შესრულების თაობაზე ანგარიშის წარმოდგენის

შესახებ/მონიტორინგის განსახორციელებლად გადაწყვეტილების მიღების შემთხვევაში